

孚惠全書

平惠全書卷三十七

偏隅賑借十一

乾隆三十五年正月初三日奉

上諭上年浙省杭州湖州二府所屬近水八州縣  
因夏雨稍多低田間被淹浸業經散給籽種蠲緩  
錢糧並於正月內給賑一月俾口食咸得寬裕第  
現在東作方興距麥秋為期尚遠閭閻生計仍恐  
不免拮据所有仁和錢塘烏程歸安安嘉長興德  
清武康八州縣並坐落烏程等州縣之嘉湖衛坐  
落仁和等縣之杭嚴衛各被災極貧戶口著再加  
恩加賑一月令農人得盡力春耕不致少有失所  
該撫其督率所屬實心查辦毋使胥吏稍有扣刻

浮冒務俾窮民均霑膏惠該部卽遵諭行

初三日奉

上諭上年江西瀋臨江湖各州縣田畝間被水災業經加恩分別賑恤並將應徵額賦酌予緩徵第念被溺稍重各屬值此青黃不接之時貧民未免艱於謀食著再加恩將南昌新建進賢都陽餘干星子建昌都昌德化德安瑞昌湖口彭澤十三縣被災九分十分之極貧加賑兩個月次貧加賑一個月其被災較輕州縣例不應賑俱當覈收之餘蓋藏亦未能饒裕並著酌借籽種牛具俾得及時播種毋誤春耕該督撫等其董率所屬實力妥辦勿使官吏侵漁俾惠澤均霑副朕愛養黎元至意

該部即遵諭行

初三日奉

上諭去年湖北漢陽黃州府屬因夏雨稍多江水漫溢沿江各縣被有偏災業經加恩分別賑恤並諭借給籽種趕種晚禾俾裕口食現在東作方興麥收木屆閏閏生計猶恐不免拮据所有黃梅廣濟漢陽漢川四縣及坐落四縣之武昌武左黃州蘄州四衛並蘄州衛坐落宿松德化等處之屯田皆屬被災較重之區著再加恩將成災九分之極貧加賑兩月其九分之次貧與七分八分之極貧次貧均加賑一月其中有需再借穀種者仍令酌量借給倉穀以濟春耕該處連年被滯前借籽種

尚有未完舊欠並著緩至秋成之後再行徵收俾民食益得寬裕該督撫等務嚴飭所屬妥協經理實力稽查毋任官吏中飽俾數地黎民均霑閭澤該部遵諭即行

初四日奉

上諭江蘇各府屬州縣內上年因雨水過多間有被災之處節經飭令各督撫加意撫卹蠲賑兼施俾毋失所現在春初展賑將停距麥秋為期尚遠當此青黃不接民食猶恐稍艱著再加恩將高淳溧水江浦六合宜興荆溪金壇溧陽海州九州縣被災九十分之極貧加賑兩月九十分之次貧八分之極貧均加賑一月如有尚需官借牛具籽種

並著的量借給令農民得以乘時播種該督撫等  
務體朕加惠災黎之意飭屬實力奉行毋令吏胥  
稍有侵冒該部即遵諭行

初四日奉

上諭安徽各屬上年因春夏雨多或江湖泛漲瀟  
水之地被有偏災疊經降旨加恩賑恤並令該督  
撫等善為撫綏令窮黎各得安業第念時屆春初  
賑期已畢值此青黃不接閭閻仍不無拮据著再  
加恩將懷寧桐城宿松望江貴池銅陵東流當塗  
蕪湖繁昌無為巢縣含山和州十四州縣被災九  
十分十極貧加賑兩月九十分之次貧八分之極  
貧俱加賑一月其安慶建陽廬州各衛均隨屯生

州縣一體加賑其有尚需官借牛具籽種者並著  
查明酌量借給俾農民咸足春耕之時盡力而畝  
該督撫等其董率有司實力經理毋任不肖吏胥  
從中侵蝕以副朕軫恤災黎至意該部即遵諭行  
御製降旨加賑去歲各省被災諸州縣詩以誌事

庚寅

九寓正供與善類吾民休養俾安然喜無徂賦呼  
之急念有災傷被者偏元旦下詔普元天下正供  
一年俾益臻歲藏富惟念上  
年湖北江西安徽三省湖臨江湖州縣偶值霖潦  
被有偏災而江蘇浙江低窪之鄉亦間有因夏雨  
成災者雖均賑恤如例屈臣東作方興民食恐不  
免拮据復降旨各予加展賑期並借給籽種以資  
接濟可屋向隅仍苦戚因於加賑各勤宣恩殊等次  
施輕重分別極貧次貧如賑兩月要在閭閻復惠  
一月並視被災分數為次

鮮

六月二十日奉

上諭頃三和自熱河回京據奏古北口地方於本月十六日午後山水長發兵民房屋被淹人口亦間有傷損者王進泰現在彼處查勘繕摺具奏齋僧人在後未到等語古北口此次被水情形較重朕心深為軫念著即派侍郎烏諾圖帶內庫銀二萬兩速行馳驛前往會同王進泰實力查勘被水各戶不拘兵民人等一體撫恤照二十四年之例加倍給與如所攜之項不敷支用即行據實奏聞續行撥發再聞街市米鋪現俱被沖間閭或致艱食該處義倉向有存貯米石若由地方官按例轉



詳具奏給發未免稽延時日烏諾圖等即開倉酌量賑恤平糶俾居人口食有資現已傳諭霸昌道定敏呈速馳往烏諾圖等即率同該道詳細確查實心經理務使災民均霑實惠不致稍有失所其官廨兵房有應行修整者並著查明奏聞一面即行辦理

二十一日奉

上諭昨因古北口被水已有旨撥給內庫銀二萬兩令烏諾圖帶往會同王進泰詳悉查辦但此次被災情形較重所撥之數尚恐不敷著內務府再撥銀二萬兩派委妥員作速解往備用

二十三日奉

上諭據楊廷璋奏北運河張家王甫堤漫工甫經  
合龍因十四五連日大雨河水盛漲以致復有  
漫溢汕刷等語近日直隸地方雨水稍覺過稠熱  
河古北口等處俱有被山水沖刷民居鋪面之事  
現已派令英康烏諾璽馳驛分往查勘動用內庫  
銀兩加意撫卹今北運漫口復有汕刷之處所有  
過水地方田廬間有損傷自應照例查辦至大城  
文安一帶本屬窪下之區旁近地畝恐不無被淹  
之處朕心深為軫念著傳諭楊廷璋即速遣委大  
員悉心體勘如有被災戶民即行妥協撫綏其涸  
出之地可以補種莊麥者亦應酌借資本諭令及  
時趕種以資民食該督不得以身駐永定河惟以

在工言工此外稍有疎漏仍將各屬有無被水情形據實速奏

七月二十二日奉

上諭順天府屬武清東安寶坻寧河永清香河等六縣因閏五月內雨水稍多河水泛溢邨莊禾稼不無傷損若待冬月給賑為期尚遠所有武清等屬被災旗民自六分以上至十分者不分極貧次貧著於八月內先行普賑一月俟至冬初再行照例加賑庶貧民得資食接濟再直隸加賑向例銀米各半給發現在所需米石如有不敷前曾降旨將運通漕糧截留二十萬石存貯天津即著於此內的量動撥以濟賑需該督務須量率屬員審

心妥協經理毋使胥役從中滋弊副朕軫恤災黎  
至意該部遵諭速行

御製命急賑直隸被水州縣詩以誌事

庚寅

夏閏潦行甚畿南有被沴微禹民其魚對時增愍  
揣未收已云薄泰種復滯致念彼謀食艱本可拘  
常例今春近畿少雨冬收不及昨年間五月內大  
雨過多瀕河之武清等六縣低田被淹貧民  
小免艱食特命於八月內先賑急賑命速行銀米  
一月口糧仍俟動需再加賑卹仍兼濟賑例應銀米兼給前曾降旨裁漕二十萬  
石貯北倉以備直隸賑卹之用因諭楊廷  
璋即於北內動撥濟各屬倉儲所不敷仍飭猶恐  
軍需有司悉心經理俾待哺之民均霑膏惠米不足裁漕早須制申命方伯臣勤宣期惠被既  
妥且欲胥庶減爾我媿

八月初二日奉

上諭昨已降旨將被水之順天府屬武清等六縣  
於八月內普賑一月以資接濟其霸州固安薊州  
及天津府屬之天津靜海等五州縣今年被水亦  
重窮民待哺若待冬月給賑為期尚遠著加恩將  
此五州縣被災邨莊不分極貧次貧亦均於八月  
內先行普賑一月至九十兩月摘賑極貧及銀糧  
兼賑之處並普照武清等六縣一例辦理該督務  
須董率屬員實心妥協經理毋使胥役從中滋弊  
副朕軫恤災黎至意該部遵諭速行

初九日奉

上諭今歲直隸各屬被水州縣稍多糧價未免昂  
貴著加恩將東安固安霸州寶坻良鄉永青薊順

義王田古北口遵化昌平十一處秋冬二季駐防  
折色兵米每石於定例外加價三錢以裕民食該  
部即遵諭行

十九日奉

上諭今歲古北口被水較重該處駐防及綠營兵  
丁等所居房屋雖已賞銀繕葺完整而衣食之需  
尚恐未免拮据著再加恩賞借一季錢糧分作兩  
年扣還俾生計並資充裕該部即遵諭行

二十二日奉

上諭今歲熱河被水較重各兵丁等前已加恩賞  
卹仍恐伊等生計尚不免拮据著再加恩將熱河  
駐防及綠營兵丁照古北口之例賞借一季錢糧

分作兩年扣還俾得並資充裕該部即遵諭行

乾隆三十六年正月初二日奉

上諭上年直隸地方因夏間雨水過多各州縣被災較重屢降旨加恩並先後動撥部庫銀八十萬兩又撥通倉並截留漕米共六十萬石令該督加意撫卹銀米兼賑俾無失所第念新春東作方興距麥秋尚遠無力窮民口食尚不免拮据著再加恩將被災較重之武清東安寶坻寧河永清香河霸州固安薊州天津靜海等十一州縣自六分災極貧至七八九十分極次貧旗民再行加賑一月至大興宛平通州青縣滄州等五處並著一體加賑俾春初力作之時得資接濟該督其董率所屬

實心經理務使窮簷得需實惠該部遵諭速行

初四日奉

上諭上年浙江濱海州縣猝遇風潮間有被災處  
所業經飭令該撫加意撫卹分別議賑至被災五  
分六分之處雖創不加賑但當青黃不接之時貧  
民口食未免拮据著加恩將海寧縣之南沙公地  
仁和安吉長興三州縣仁和一場查明被災極貧  
除例給籽本外於本年三月內加賑一月口糧俾  
資耕作其勘不成災之各縣場穀收田地貧民有  
願借倉穀籽本者並酌量借給於秋成免息還倉  
該撫其董率各屬實心經理務使均霑閭澤以副  
朕軫念窮黎至意該部遵諭速行



御製降旨加賑畿南去歲被水州縣及浙江被湖

州縣詩以誌事

卯

宸區廣幅員水旱時或有惟當不諱災乃足福黔  
首既用勵已懷亦勗民父母喜成惠予心有災無  
不奏叶昨歲率報收額慶

天恩厚畿南遭夏沴斯則近朕肘之直屬去夏被水

尚輕武清東安天津靜海等十浙東被風潮人吏

騰章剖浙省濱海被湖地方及屬縣雖係偏隅凡自七分以

上者並命雖皆屬一隅亦已傷田畝例賑縱早施

加賑未可後十行此宜先肯新司農字前直隸賑地

截漕加意撫綏入春青黃不接復行賑賑俾外

食浙江分數有依非直屬比然自常賑賑賑而外  
即不成災地畝亦仍教妥承宣實惠俾均受弗以  
今酌借籽種口糧

豐忘數弗以多遺偶幸即在其中屯膏非所取

二月十七日奉

上諭朕奉

安輿時巡齊魯省方問俗念切民依所有經過地方本年正賦業經降旨酌定分數蠲免至上年間有被水之濟陽等十三州縣銜據該撫竊明安泰稱現在民食均無缺乏農作有資惟齊河高地往平糶縣民力稍覺拮据請每畝酌借籽種銀一錢半具銀一錢等語目下春時融潤耕種屆期該四縣上年被水較重之地尤須及時接濟按畝貸以籽具體卹常例宜然但借項仍應徵完尚非格外施惠之意著加恩將齊河等四縣上年被水地畝

應借籽種牛具銀兩即行賞給免其徵還俾農民得資耕作該撫其董率所屬悉心經理務使閭閻均霑實惠該部遵諭速行

御製命賞給昨歲山東被災四縣籽種牛具銀詩

以誌事

卯年

齊東昨歲縱偏災豈乏窮民望幸來春借雖然成例與秋償依舊受追催齊河禹城茌平莘縣去年被水較重當用安清按畝借給籽種牛具銀各一錢第借項應備民間猶有追呼之事因降旨如數賞與免其徵還俾耕作有資窮民得普教賜值資耕作俾得及時聞草萊更或未經聞見者時咨施澤以斯推

七月初六日奉

上諭七月初一二等日雨水較久京城內外旗民

房屋牆垣坍塌者頗多恐無力之家未必盡能自行修整朕心深為軫念著交步軍統領衙門詳細查勘奏聞照上年熱河賞修民房之例酌量加恩賞給銀兩以資繕葺

初九日奉

上諭昨據王進泰奏報古北口於七月初四日被水情形已令侍郎桂林鶴帶內帑銀一萬兩前往該處會同王進泰查勘酌量撫卹並即開倉平糶俾兵民得資接濟今念該處駐防及綠營兵丁口食不免拮据著加恩仍照上年之例於存倉兵米內賞借一季分作兩年扣還該部遵諭速行

十二日奉

上諭昨雨後白河驟漲密雲縣城外瀕河民房間  
有被水傾塌者布政使楊景素現在該處辦理差  
務著即就近查明照例賞給銀兩俾資葺蓋安居  
副朕軫念貧黎至意該部即遵諭行

八月初八日奉

上諭今歲秋雨過多河水漲發近畿一帶窪下地  
方田禾不免淹沒節經發帑五十萬兩截漕五十  
萬石並令該督楊廷璋勘明成災州縣情形分別  
照例辦理其成災較重邨莊小民口食維艱若統  
俟冬月給賑待哺尚覺需時朕心深為軫惻所有  
宛平良鄉涿州束安永清固安霸州文安大城通  
州薊縣香河武清新城雄縣天津靜海寧晉等十

八州縣成災八分以上者無論極次貧民俱著於  
八月內先行急賑一月口糧以資接濟該督務董  
率屬吏實力妥辦俾閭閻均霑膏惠副朕廑念災  
黎至意該部遵諭速行

御製直隸總督楊廷璋奏報被災州縣情形降旨

災重州縣於八月即行急賑詩以誌事

卯年

今年霖雨或去年意謂災田過昨歲申命方伯據  
實陳茲勘大畧馳奏至昨歲被水在夏五黍禾方  
茁即淹暨今年七月始行潦旱種率已收次第視  
重反輕非諱飾誠如所言為差慰然成災究有重  
者十八州縣深厯意今年七月初雨水過大河漲  
漫流低田多有淤滯者恐成  
災較去年為甚因命楊廷璋  
勘動核實以聞並發帑五十萬  
兩截漕五十萬石備賑今據奏  
昨歲

被水在閏五月距秋成尚遠早稼亦多淹沒今年  
之水已在七月不特高粱有收即早禾亦將次成  
熟不致有乏食之虞其言近理似非諱飾第念災  
重邨莊民食完不免拮据因降旨將苑平良鄉涿  
州東安永清固安霸州文安大城通州寶坻香河  
武清新城雄縣天津靜海寧晉等十八州縣成災  
八分以上者無論極次貧戶俱於八月急賑八月命  
月內先行急賑一月口糧俾資接濟  
即行未可待冬沿向例無遺寧濫俾均需蓋已頻  
言亦增愧

乾隆三十七年正月初二日奉

上諭直隸省去歲秋間雨水稍大清河窪地偶被  
偏災疊經降旨發帑出粟賑恤有加貧黎諒不至  
有失所第念賑期有定而待哺殊殷當此始和布  
令畿輔近地允宜再沛恩膏所有上年被災較重  
之苑平良鄉涿州東安永清固安霸州文安大城

通州寶坻香河武清新城雄縣天津靜海寧晉及  
被災次重之保定三河薊州寧河豐潤玉田等二  
十四州縣自六分極貧至七八九十分極次貧均  
著加恩於本年三月再行展賑一月俾青黃不接  
之時小民口食有資得以安心力作此外如有缺  
乏籽種之戶及量價稍貴之區該督仍隨時體察  
酌量蠲借兼行務使一夫不致失所以副朕軫念  
民依至意該部遵諭速行

初二日本

上諭甘肅省當積歉之餘上年春夏短雨河東河  
西各屬成災輕重不同業經分別加恩撫卹曾降  
旨撥帑運糧多方賑卹前據該督查奏被災次重



及稍輕之處今春酌借口糧均已足資接濟第念  
河東屬之安定會寧皋蘭金縣靜寧隆德等六州  
縣地止一熟值頻年歉收之後去歲未能補種秋  
禾專待夏田鋤口當此青黃不接之濟農民未免  
待哺著加恩將此六州縣再行加賑一月該督等  
其董鑒各屬善為經理務俾貧黎均霑膏惠該部  
即遵諭行

初三日奉

上諭江蘇省瀕臨江海河湖各屬上年七八月間  
偶被偏災業經蠲賑兼施俾閭閻口食無乏第念  
方春青黃不接通屬止賑將停災重貧黎未免情  
殷待哺著加恩將清河安東桃源淮安大河二衛

海門廳通州泰興崇明等九廳州縣衛勛實成災  
八分九分者無論極次貧民概行加賑一月其餘  
被災較輕毋庸加賑各屬際茲東作方興或有需  
酌借口糧俾資耕種之處該撫其率屬善為經理  
務使閭閻共臻康阜該部即遵諭行

初三日奉

上諭安徽省鳳陽等屬上年偶被偏災業經分別  
加賑其中成災較重之區及被水村莊甫經疏洩  
並高阜缺雨之地未能趕種秋麥者當此青黃不  
接時貧民口食仍恐不免拮据著加恩將鳳陽泗  
州盱眙五河定遠五州縣軍民於正賑之外所有  
八九分災之極次貧並七分災之極貧概行加賑

一月其例不給賑之災輕戶口如需酌量借糶並  
著該撫董率所屬隨時經理以資接濟用副朕  
念貧黎至意該部即遵諭行

御製命加賑去歲偏災各省貧民即事八韻  
壬辰

始和布今在勤民歎後黔黎視倍親肯以新年但  
言吉而忘舊歲或遭貧饑南秋沴被尤劇直隸去

猶大瀕河之元平涿州等十八州縣被災較重三  
河薊州等六州縣次之雖晉經發帑出粟多方賑

恤不貲火所而新年賑期將滿甘肅旱荒積已頻  
待哺尚殷固普予加賑一月

上年甘肅春夏短雨各屬被災較重不同隨撥運  
帑肅賑濟民賴全安幸秋收頗豐人無艱食惟河

東之安定靜寧六州縣地止一熟事待夏田餬口  
且當積歉之後尤覺拮据命再予一月加賑俾資

鼓皖實五區霽潦連年歲偶被偏災業予賑恤而  
腹饑缺雨之區未能耕種秋禾今屆青蘇惟几處

黃不接口食無資並命加一月之賑

江蘇一省去歲秋成豐稔惟湖之清河通州海門淮安等九州縣歷街

剎那辭乾惕萃身

二十四日奉

賑今據該撫徐績奏稱時值青黃不接糧價漸昂

所有被災之歷城等十九州縣所並王家岡場民  
情較他處更為拮据等語著加恩將歷城齊河齊  
東濟陽禹城臨邑陵縣德平平原東平州東平所  
海豐利津霑化魚臺濟寧高苑博興樂安等州縣  
所並王家岡場極次貧民概予加賑一月以資口  
食該撫其董率所屬悉心經理務俾閭閻均霑膏  
惠以副朕軫念災黎至意該部即遵諭行

御製命加賑山東上年偏災州縣詩以誌事

壬辰

省歲詢方伯新春備施惠

每冬月降旨各省督撫有被災應加賑者豫奏

以俟新惟是屢民瘼率以成常例上年秋霖盛山

左偏災暨其時降旨問布政適署事祇稱借籽種

無煩加賑費

復撫海成奏災一隅偏災可以無庸再行議加青黃不接時耕作或須借

種臨期乃撫臣茲親察請加奏章至聞善下宿侍  
行請旨恩綸立頒界凡十九州縣一月均優賜  
加賑之旨本足山東茲據撫臣徐緒奏體察歷城  
等縣災地方借種雖給春種口食尚形竭蹶因降  
旨再予加新澤我帑為妥辦爾加意設使重勘驗  
諄災有必致吾民其誰救慎哉投民吏

字惠金書卷三十七

平惠全書卷三十八

偏隅賑借十二

乾隆三十八年正月初三日奉

上諭每歲新正豫查各省有因災于賑地方俱降  
旨加恩展賑以示體恤昨歲各直省俱年穀順成  
秋田普獲豐稔且報收十分者俱多即甘肅省據  
奏偏災數處而通計收成亦在七分以上原毋庸  
再沛恩膏第念西陲地瘠民貧非沃壤殷饒者可  
比雖成災僅屬一隅恐民力完未免拮据特令該  
督確查如有應行加恩之處詳悉覆奏茲據奏到  
偏災各廳州縣業經照例賑卹窮黎已成登祚席  
若於春初酌借籽種口糧更足資接濟惟河東之

皋蘭暨所屬紅水縣永靖遠平涼涇州等五處被災情形較重入春青黃不繼之際不無待澤等語所有皋蘭等五州縣俱著加恩展賑一個月其有應酌借籽種口糧者仍著查明妥辦該督其董率所屬胥心經理務使吏胥侵漁中飽俾閭閻均霑實惠以副春和布令優恤邊氓至意該部即遵諭行

御製命加賑甘肅省皋蘭等五州縣詩以誌事

癸巳

九州昨歲普逢年甘肅民貧處上極邊亦有七分

秋穫稼祇餘五郡夏災田

上年直省豐收多有數至十分者甘肅通省合數

計亦在七分以上惟皋蘭等五州縣夏田被有偏災特命於例賑之外再予加賑一月仍酌借籽種以資肯教赤子向隅泣特降黃麻加賑傳帑以歌



豐忌被數惠心勿問永奉奉

七月初五日奉

上諭據榮保等奏稱歸化城之八十三邨蒙古等  
田地被水成災在六分以上請計其人口借給粟  
米限二年照數交納等語著照榮保等所奏於歸  
化城廳倉內動支粟米計口借給被災之上然特  
等以資接濟

八月十八日奉

上諭據畢沅奏七月十八日商南縣地方連日大  
雨山水驟發將東關一帶並董家店沿河傍溝村  
莊田廬沖淹人口亦間有漂散現委道府人員前  
往查勘撫恤等語商南山僻窪下之地猝遇大雨

水發以茲一隅被災小民生計維艱深為軫念著  
加恩照本年朔邑縣被水之例一體撫卹賞給口  
糧並房價等銀俾災民不致失所其卹莊戶口極  
貧次貧應如何分別查辦及成災地畝應如何酌  
量蠲緩之處並著該護撫飭屬實力確查速行妥  
核照例題報以副朕嘉惠窮黎之至意該部即遵  
諭行

乾隆三十九年正月初二日本

上諭上年各直省奏報夏秋二熟並皆豐稔惟江  
蘇安徽陝西河南四省間有被淹之處均係一隅  
偏災俱經降旨令各督撫分別妥為辦理第恐今  
春二三月間民食或有拮据因傳諭各該督撫據

實查奏昨據何燭查奏被水之浙川內鄉二縣逐一親歷確勘二麥俱已種齊春收有望毋需再為酌借籽種牛具被災之戶先經撫恤得所禦冬有資惟其中九分十分極次貧民當新春青黃不接之時口食未免拮据等語浙川內鄉二屬被水之處雖已補種春麥閭閻生計有望但閭境共享豐登而此等災民相形見絀不無情切向隅自宜特沛恩施以普春澤著加恩將浙川內鄉二縣九分十分極貧極次各加賑一個月該撫其董率所屬悉心妥辦俾窮黎共需膏惠該部即遵諭行

初三日奉

上諭上年江蘇合屬秋收據報豐稔惟安東等處

春夏之間被水成災一隅偏災雖額賑兼施誠恐  
今春或資接濟因降旨令該督撫查明具奏候朕  
酌量加恩施賑高晉等奏安東等八州縣衛先被  
夏災秋收又復失望查明成災至八九分者情形  
均為較重目下按月給賑不虞乏食其被水涸復  
之區亦已播種豆麥可冀有收但當新春青黃不  
接之時口食未免拮据等語安東等處上年春夏  
疊被偏災新春正賑已畢貧民待哺方殷殊堪軫  
念著加恩將安東清河沈源三縣淮安大河二衛  
山陽阜寧海州三州縣勘實成災八九分者無論  
極次貧民一體加賑一個月以資接濟其成災七  
分以下同沐陽鹽城二縣雖照例蠲緩賑恤均已

口食有資將未東作屆期或須酌借行種口糧之處並著該督撫臨期察看妥辦據實奏明以副朕嘉惠窮黎至意該部即遵諭行

初三日奉

上諭上年安省之鳳陽泗州所屬十二州縣衛因春夏雨水過多湖河並漲偶被夏災業經該撫奏報當即加恩蠲賑兼施俾無失所恐今春二三月間民食或與拮据特傳諭該撫確查應否加賑據實具奏嗣據裴宗錫覆奏壽宿二州成災皆止五七分以通邑計之亦熟多災少毋庸加賑其鳳陽懷遠靈璧虹縣鳳臺泗州盱眙五河八州縣及鳳陽長淮泗州三衛夏麥秋禾雨被災傷當青黃不

接時民情不無拮据等語著加恩將鳳陽等十一州縣衛勘明八九十分災之極次貧戶同七分災之極貧各加賑一個月其七分災以下並毋庸加賑之壽宿二州並著該督撫察看情形或需酌借牛具籽種以資接濟之處務量率所屬妥協辦理俾災黎普霑實惠該部即遵諭行

初四日奉

上諭昨接陝省之朝邑商南二縣先後倖被水災即經降旨撫卹其被災加重邨莊並令加賑以期得所第念今春青黃不接之時災民未免拮据特傳諭該撫查明具奏嗣據該撫畢沅奏朝商二邑所屬成災十分者邨堡無多而受傷獨重其涸出

地故雖已播春麥明歲可望有收而青黃不接時  
家計不無艱窘等語該省善後豐登獨朝邑商南  
二處被有偏災自宜再沛恩膏用善春澤著加恩  
將朝邑被災較重之河東人慶關等處十一鄉堡  
暨商南災重之東關韓家山等處十二鄉莊無論  
極次貧民再行展賑一月俾資接濟其被災較輕  
各處並著的借籽種口糧以示體恤該撫其並率  
所屬悉心經理務使節節均霑膏惠用副朕軫念  
窮黎至意該部卽遵諭行

御製命加賑陝西河南安徽江蘇等四省去歲被

災州縣詩以誌事

甲午

幅員九萬廓封提暘雨安能致通齊惟不怠轡聞

水旱數自然實告本章題昨午四省災猶報新歲  
十行恩可稽使右朝邑商南潦夏也省仍舊豐陰  
惟陝西河南安徽江蘇四省間有偏災雖不過一  
隅之微然充條數收民情不免拮据自應特沛恩  
施其陝西之朝邑以河溢成災商南以產潦致河  
故然其中較重者每縣亦不過十一二鄉堡耳河  
南浙川內鄉沔秋今被水今二冬雖已種二縣秋間  
疏之區仍不安歲連十一運勝安徽上年春夏雨  
能不藉接濟水過多其鳳陽泗  
州等八州縣及鳳陽等江省惟句衛並溪江蘇之  
三衛冬禾俱被災較重被災者  
惟安徽東海州淮安等八州縣衛不免待哺其米皆  
傷鹽城止須酌借籽種亦高晉等所查奏也  
以水鄉易滂夏普頒恩旨免偶啼或蠲或貸累殊  
格視重視輕有異睦四省成災之地除按分數照  
分別極次貧加賑一月或咨爾長民推惻隱教予  
酌借牛具籽種俾資贍給  
僅澤遍黔黎



九月二十日奉

上諭徐績奏據壽光縣稟稱該縣單家莊等一十七莊於八月二十八九及九月初一等日颶風潮漫各莊地內立麥被淹房屋間有沖坍等語該縣卹莊地處海濱陡遇風潮田廬俱被淹浸著傳諭該撫速飭該地方官查明被災戶口先給一月口糧其沖塌房屋給發修費以資安頓所有應行加恩賑卹之處即照例奏聞辦理該撫其董飭有司實力妥辦毋使窮黎稍有失所該部即遵諭行

乾隆四十年正月初一日奉

上諭直隸天津河間等屬上年偶被偏災業經賞撥通倉米十萬石以備賑濟之需民食無虞缺乏

惟念被災各戶計至昨冬止賑已畢今春青黃不  
接二麥尚未登場民間口食未免拮据著加恩將  
天津青縣靜海滄州南皮鹽山慶雲獻縣交河東  
光武強武邑霸州文安大城寧河等十六州縣無  
論極次貧民應於正月起均予加賑兩個月俾資  
接濟再景州以西地方有與武邑災地毗連邨莊  
河間肅寧與獻縣災地毗連各邨並阜城毗連交  
河災地各處經該督覆勘應入六七分災者並著  
一體查明給賑以示一視同仁至意該部即遵諭  
行

御製命加賑直隸去歲偏災州縣詩以誌事  
乙  
去年畿輔率逢秋偏暎東南致歉收豈以一隅心

弗念應教兩月渾加漫無論災戶極運次普予賑  
糧縣與州直隸昨歲均屬有秋惟天津青縣靜海  
邑武強肅州文安大城寧河等十六州縣偏被旱  
災收成較薄業已照例賑恤恐青黃不接之時民  
食未免拮据因降旨無論極次貧民均予加賑兩  
個月渾資接濟十萬通倉設廠  
少兼施銀米例堪求賑通倉米十萬石為各州縣  
十二萬石酌給其不敷者仍准照例銀米兼賑

初一日奉

上諭昨歲江蘇淮安一帶八月間因黃水驟長漫  
決外河老壩口以致山陽清河等縣猝被水災業  
經降旨賑恤並將乾隆四十年應徵錢糧全行豁  
免及乙未年漕糧漕項同節年舊欠錢糧漕米悉  
予緩徵災黎自可不致失所第念該處此次被災

情形較重今春正賑已畢貧民待哺猶殷著加恩  
將山陽清河鹽城阜寧等四縣坐落山阜等縣之  
淮安大河二衛勘實成災十分之貧民無分極次  
再加賑兩個月成災八九分者無分極次再加賑  
一個月以資接濟其下游之東臺泰州興化等屬  
先經被旱勘明成災自五分至七八分不等皆係  
一隅偏災與山陽等處情形不同照例賑濟均已  
口食有資但轉瞬東作屆期或應酌借籽種口糧  
之處並著該督撫察看確情妥協酌辦用普春澤  
再安徽之定遠壽州等處上年亦缺雨偏被旱災  
除查明零星勘不成災外所有合肥定遠全椒三  
縣被旱田地較廣鳳陽壽州宿州泗州盱眙五州

縣雖被旱較輕但均係前歲災較之區恐今春青  
苗不接之時民力不無拮据並著加恩將八九分  
之極次貧民同七分災極貧各加賑一個月至廬  
州鳳陽長淮泗州四衛災軍各隨坐落合肥等州  
縣一體加賑以昭一視同仁之至意其毋庸加賑  
次貧以下如有應酌借籽種牛具之處並著該督  
撫察看情形的辦俾窮黎均霑實惠該部遵諭速  
行

御製命加賑昨歲上下江被災州縣詩以誌愧已  
黃河漲昨秋災重淮陰地堵築幸成功安居庶平  
歲獨賑百計救上年八月間黃水驟長漫決外河  
老壩口山陽清河鹽城阜寧四縣  
被災頗重隨降旨賑恤並將今年正供全行蠲免  
其漕糧漕項及節年存欠概予蠲免俾災黎不致

所期遍災黎被絮鉅上下江偏災間聲有逮加賑  
等不同山陽等四縣止賑畢後恐貧民待澤尚殷  
因諭將成災十分之極次貧加賑兩月八  
九分者加賑一月其下游之東臺泰州興化等屬  
偏被早災者或酌借籽種口糧以資耕作又安徽  
之合肥定遠全椒三縣被旱較廣鳳陽壽州宿州  
泗州盱眙五州縣災雖不重然係前歲歉區並予  
加賑一月詳付地方吏新恩我弗為諱沔汝莫遂  
得得賑濟  
惟是艱致和則我一人愧

初三日奉

上諭昨歲甘肅夏秋二禾據報通省收成統計八  
分有餘尚屬豐稔惟皋蘭武威等七州縣夏禾被  
有偏災而皋蘭金縣等五處秋禾復被霜雹均經  
先後分別照例賑恤災黎自可不致失所第念該  
省土瘠民貧其被災之夏秋二禾收成未免歉薄

問閭不無拮据者加恩將皋蘭武成二縣夏不被  
災較重之處於青黃不接時再展賑一個月其被  
災較輕之靈州寧朔平羅鎮番沙泥州判等五處  
如有缺乏籽種口糧並著該督隨時體察照例酌  
借以資接濟又皋蘭金縣等五處秋禾亦被漏災  
除皋蘭一縣已於夏災案內展賑外所有金縣西  
寧平番肅州四州縣屬並著一體展賑一個月以  
示朕軫恤邊氓至意該部遵諭速行

御製命加賑甘肅偏災州縣並展限緩徵積欠因  
成是什杞

十行施惠豈虛云甘省貧民尤所厯原有偏災七

處被

昨歲甘肅通省收成統計八分有餘惟皋蘭  
武成靈州寧朔平羅鎮番沙泥州判等七州

縣夏禾偶可稱秋獲八餘分以甘省收成八分而  
被偏災陸地瘠民貧仍照例賑恤並同秋禾被災  
之金縣西寧平番南州四處均展賑一月更思通  
欠陳相接次第展寬催漫勤甘省自乾隆二十三  
行種口糧等項積欠累累前經加恩將通糧四百  
餘萬石全免其折色銀一百三十二萬餘兩分六  
年帶徵今已四年未完銀仍一百餘萬若新舊並  
徵散放之民本免銀若因並降旨酌展四年二年  
以蘇咨爾守疆大小吏民間勿隱我欣聞

初五日奉

上諭上年山東省秋田尚屬有收惟壽光等縣沿  
海邨莊於八九月間偶被風潮並冬間有淹損業  
經照例撫恤並將成災六七八分之場地接次分  
別加賑小民俱已得所但念成災地畝昨秋未收  
莊豆等項及所種麥苗均經被淹受傷今歲春花



不無失望若加恩將壽光樂安濰縣等三縣並官  
堂王家岡二場成災各鄉莊無論極次貧民竈戶  
於二月間再加賑一個月俾瀕海窮黎均霑恆澤  
又山西之永寧州臨縣上年亦渴被山水田禾幸  
未受傷照例撫卹民情已屬安帖第被水之戶今  
春或有應酌借籽種之處亦著該撫確查妥辦以  
普同仁該部即遵諭行

初五日奉

上諭昨歲豫楚二省俱獲豐收惟河南之信陽光  
州等處湖北之安陸等州縣銜均因夏秋之間偶  
爾缺雨間成一隅偏災秋收未免歉薄業經照例  
分別撫恤加賑小民已不致失所但今歲青黃不

接之時窮黎口食未免拮据著加恩將河南之信陽羅山光州光山固始五州縣極次貧民槩行加賑一個月湖北之安陸京山隨州孝感應山棗陽六州縣及屯田坐落六州縣之武昌武左德安襄陽四衛將成災七八分極次貧軍民於例賑之外各加賑一個月其餘五六七分災之鍾祥荊門雲夢應城襄陽宜城等民屯地畝並著該督撫酌看情形分別借給籽種以濟春耕該督撫等其董率屬員悉心經理務俾節薦均霑實惠以副朕軫念民隱至意該部遵諭速行

十月十五日奉

上諭今歲畿南一帶因七月間雨水稍多低窪邨

莊間被淹浸現據該督查明題報成災之保定文  
安等四十七州縣應照例撫卹賑濟並將此內被  
災較重之霸州永清新城雄縣安州新安等六州  
縣先於九十兩月摘出賑給窮民已可不致失所  
第念此等摘賑各戶尤深災黎中窮乏之民惟是  
大賑定期須在十一月今年孟冬適當置閏此等  
貧民於摘賑既畢以後距大賑尚需待哺一月未  
免餬口無資深為軫念著加恩將災重之霸州等  
六州縣應得大賑卹于閏十月開放俾得接濟無  
缺該督務飭所屬審心妥辦以副朕加惠窮黎至  
意該部遵諭速行

乾隆四十一年正月初二日奉

上諭昨歲畿南一帶因夏秋間雨水稍多瀋臨河  
淀州縣之低窪邨莊地畝被淹均不足一隅業經  
該督勘明保定文安等五十二州縣廳成災之處  
照例撫恤賑濟並降旨將較重之霸州等六州縣  
應行摘賑提前一月俾與大賑接濟無缺貧民已  
可不致失所第念新春正二月正賑已畢距麥秋  
尚遠茅檐口食或恐不無拮据茲當履端肇始宜  
沛恩施著加恩將被災較重之霸州永清新城雄  
縣安州新安六處及次重之文安保定武清大城  
清苑天津靜海青縣八處均各展賑一個月俾窮  
黎益霑懷澤該督其董率所屬悉心經理以副朕  
加惠畿民至意該部即遵諭行

御製降旨加賑去歲畿南被水州縣詩以誌事  
畿南昨歲殊前歲前歲旱浸昨歲浸直隸河間天  
津前歲被旱  
成災較重昨歲夏秋雨水稍多河間低窪之  
區雖皆被淹其通計不及一隅災分較前歲為輕  
高處有收縱饑口連年達數越厘心因於加賑周  
郭屋被水雖五十二州縣歷其中較重者惟霸州  
永清等六州縣次重者止之安武清等八縣  
各於常賑之外加賑一月以資接濟仍命命  
大吏率屬實力妥辦俾窮黎均需可慰肯使待  
籌惜帑金吏勅妥為大小吏俾予恤澤善需深

初二日奉

上諭昨歲安徽江蘇地方七八月間偶有雨澤愆  
期之處以致上江之廬鳳等屬下江之句容等屬  
高旱田畝間被偏災業經該督撫題報照例分別  
撫恤蠲賑兼施貧民已不致失所第念新春正賑

已畢奏收尚早青黃不接之時口食或恐拮据且  
同一州縣之民其有收之戶共樂含哺而高旱之  
處獨形匱乏尤堪軫惻茲當春和布澤之初著加  
恩將安徽被旱成災八九分不等之定遠泗州盱  
眙天長五河滁州來安等七州縣均係積穀之區  
無論極次貧民各加賑一個月其廬州鳳陽長淮  
泗州滁州等五衛被災屯戶各隨坐落之州縣一  
體賑給江蘇被災較重之句容江浦六合宜興荆  
溪丹陽金壇溧陽甘泉東臺等十縣及次重之上  
元江寧溧水高淳武進陽湖無錫金匱江陰丹徒  
阜寧鹽城高郵泰州江都儀徵興化寶應十八州  
縣並鎮江揚州二衛均勘實成災七八分之極貧

戶口各加賑一個月以資接濟其餘較輕貧戶有應行酌借籽種口糧之處並著各該督撫體察情形分別妥辦務俾窮黎普霑渥澤該部遵諭速行

初二日奉

上諭上年甘肅省夏秋二禾統計收成七分有餘惟皋蘭等三十一廳州縣夏禾間有被旱被雹之處皆屬一隅偏災業已頒賑兼施俾無失所內惟皋蘭金縣渭源平番中衛靈州肅州七州縣並皋蘭分駐之紅水縣丞所屬或情形較重或值積歉之後民食未免拮据著加恩於青黃不接之時各展賑一個月又續報秋禾偏被霜雹之隴西等十一州縣亦經照例賑恤內涇州平涼二處被災稍

重並著一體展賑一個月用數春澤其餘夏秋被災較輕之河州隴西等處今春如有缺乏籽種口糧之戶並著該督隨時體察酌借以資接濟該省係瘠薄之區災黎尤堪屋念勒爾謹務董率所屬實心妥為料理俾得均霑膏惠以副朕軫恤邊氓之至意該部遵諭速行

御製命加賑各省昨歲被災州縣詩以誌事而

哀寓既已廣胥繁民生計水旱或不齊自是恒有事歉少豐者多即為蒙吉利豈因願善豐而任達歎諱猶幸此意識羣工悉我意無不以實告告必籌賑濟昨歲豐者多報歉亦或至南則上下江北則甘肅建新正布德音應與施膏惠加賑視重輕



展限分次第昨歲各省豐收者多惟上下江夏秋雨澤偶愆甘肅夏禾秋禾亦間有被旱被雹之處因降旨將安徽成災較重之定遠四州等七州縣及廬州等五州江蘇成災較重之句容江浦等十縣次重之上元江寧等十八州縣及鎮江揚州二衛各如縣一月其甘肅夏災之皋蘭等七州縣被災之蘭西等十一州縣亦各展賑一月其餘較輕者並酌借籽種口糧俾無缺乏並勸理毋致一夫失所屯膏夙所成穀澤在諸吏勉之各盡心向隅慎莫貽

乾隆四十二年正月初二日奉

上諭昨歲甘肅省夏秋二禾統計收成七分有餘惟皋蘭等二十九廳州縣夏禾被旱又有被霜被雹之處在通省雖止一隅而成災尤覺稍重屢經降旨令該督切實查勘妥協賑卹貧民自可不致失所第念今春正賑已畢尚屬青黃不接之時民

食未免拮据著加恩將皋蘭金縣安定會寧鹽茶  
廳武威平番肅州八處各展賑一個月又續報秋  
禾被災較重之鎮番中衛二縣並著一體展賑一  
個月用敷春澤其餘被災較輕之河州等二十一  
處今春如有缺乏籽種口糧之戶並著該督隨時  
體察酌借以資接濟該省係積穀之區災黎尤堪  
厯念勒爾謹務董率所屬胥心妥為料理俾得均  
霑實惠以副朕軫恤邊氓之至意該部遵諭速行  
初四日奉

上諭上年安徽泗州等七州縣秋禾間有因潦被  
災之處江蘇安東等七州縣瀕水窪地亦畧有一  
隅偏災業經降旨各該督撫照例撫恤蠲賑兼施

貧民已可不致失所第念東作將興青黃不接茅  
簷口食未免拮据著加恩將被災八分之泗州盱  
眙及泗州衛無論極次貧民均各加賑一個月俾  
資接濟其餘無庸展賑各州縣及泗盱三州縣衛  
五六七分災貧民今春如有應行的借籽種口糧  
牛具之處並著該督撫察看情形分別妥辦務俾  
均霑膏惠以善開詔恩澤該部即遵諭行

御製降旨加賑昨歲甘肅安徽偏災州縣詩以誌

事  
丁酉

水旱不齊歲遇之母今諱飾訓孜孜豐多歉少已  
稱幸昨歲各省俱獲豐收即甘肅間有被災州縣  
統計秋收尚七分有餘安徽尤不過一隅偏  
災其餘收成仍以彼豐忘茲歉豈肯為兩省偏災  
在八九分以上

寄有被夏甘肅上年夏秋被災計二十九廳州縣而  
街二處災分較重因於常賑外均予加賑一月俾  
得銅口有資至安徽江蘇瀕水窪地雖累有偏災  
據報江蘇止須照例賑恤惟安徽所屬之泗州時  
昭泗州衛三處有成災稍重者亦予展賑一月以  
資接濟新正加賑俾無遺作君原為替斯民耳此即  
敬

天一念寅

十月十三日奉

上諭陝西咸寧等二十九廳州縣本年因七月內  
雨澤缺少秋禾間有受旱之處雖據該撫查明勘  
收處所本屬無多無須蠲賑第念此等被旱地畝  
在各州縣中雖屬一隅偏災但究係歉收且距明  
歲麥秋尚遠民食未免拮据著加恩將咸寧等三

十九廳州縣內所有收成四五分各戶查明實係無力貧民在於常平倉內極貧者借給兩個月口糧次貧者借給一個月口糧以資口食至二十九廳州縣境內歉收地畝應完錢糧及借欠倉糧例應緩徵其並未歉收之處與災地間段毘連若仍照例徵收恐糧價稍昂貧民艱於糴食並著加恩將此二十九廳州縣所有本年應徵未完錢糧及各年借欠倉糧俱緩至來年麥熟後徵收以示軫惠窮黎之至意該部即遵諭行

平惠全書卷三十八

孚惠金書卷三十九

偏隅賑借十三

乾隆四十三年正月初二日本

上諭昨歲甘肅省皋蘭等三十二廳州縣因夏間雨澤愆期以致田畝被旱成災節經降旨令該督等切實查勘賑恤兼施俾毋失所第念皋蘭渭源安定會寧平番涇州平涼七州縣被旱情形較重開春正賑既畢民食未免拮据著加恩各展賑一個月用數春澤其餘被災較輕之金縣等二十五廳州縣雖亦經照例賑恤如今春尚有缺乏籽種口糧之戶並著該督隨時體察酌借以資接濟勒爾謹務量率所屬實心料理俾得均霑實惠以副

朕軫恤邊氓之至意該部遵諭速行

初七日奉

上諭上年豫省秋雨未能普霑二麥未能遍種業經降旨將收成較薄之汲淇臨漳等縣蠲免緩徵地丁銀十分之四俾窮民不致失所第念該省當青黃不接之時市集糧價未免昂貴民食下無儲蓄著照例將常平倉穀減價平糶並將臨河三十六州縣存倉積穀各按州縣大小體察情形儘數出借以資接濟並著加恩自本年秋收為始分作三年帶徵還倉庶閭閻生計得以寬裕禁粒現今護理撫篆即著董率所屬齊心妥辦以副朕軫念民依至意該部即遵諭行

三月十二日本

上諭上年河南省雨雪短少開封彰德衛輝懷慶河南五府屬收成較薄業經傳旨加恩緩徵入春以來尤殷望渾屢經傳諭詢問據報得雨分寸尚未一律深透春麥既未及期播種現在節過清明麥苗難望秀實農民只可盡力大田但春夏之間尚不能即資接濟未免艱於口食著加恩將齊魯參北被旱之貧民酌借一月口糧再每畝借給籽種銀六分以資耕種其開封等五府屬本年應徵錢糧著加恩緩至本年秋收穫徵收又該五府屬上年出借倉穀尚有常平民欠七萬二千五百八十二石零社倉民欠七萬二千二百一十一石零



均著緩至來年麥收後運倉以紓民力其存倉社穀並著隨時借糶俾市糧充裕該撫務須董率所屬妥協辦理副朕軫念窮黎至意該部遵諭速行

二十八日奉

上諭前因河南省開封彰德衛輝懷慶河南五府春雨愆期麥田被旱節經降旨酌借口糧籽種俾得及時耕作又將本年應徵錢糧緩至秋收後徵收常平社倉民欠穀石緩至麥收後徵收並令將存倉社穀隨時借糶俾市糧充裕民力寬紓第念該五府屬極貧下戶口食更為拮据著再加恩於社穀內酌給月糧以資餬口該撫即飭令地方官確查妥辦務令窮黎均霑實惠毋致吏胥中飽至

本年社穀出借較多如屬不敷者於漕撥項下借動撥給該部即遵諭行

四月十二日奉

上諭河南城守尉官兵月糧向係粟米粳米半米半折兼放現在開封各府尚未得雨米價自必稍昂所有粟米折價恐兵丁不敷買食著加恩將城守尉官兵應得半年折色粟米自本年五月為始按月支給本色粟米即於開封府所屬州縣常漕穀石內勻派碾運支給俾兵食益為充裕以示體恤該部遵諭即行

五月初二日奉

上諭豫省自春夏以來雨澤稀少二麥難望有收

業經傳諭該撫將開封等五府加意撫綏並酌借  
貧民口糧籽種以資接濟但念歸德陳州二府許  
汝二州待澤情形畧與開封等府相同自宜一體  
撫卹以紓民力著再加恩將歸德府屬九州縣及  
陳州府屬之沈邱等三縣並許汝二州照開封五  
府之例凡無力貧民均酌借一月口糧每畝借給  
籽種銀兩以資力作並將陳州府屬之扶溝沈邱  
項城三縣社倉民欠米石均緩至來年冬後徵還  
俾小民得盡力農田該撫務督率所屬悉心經理  
以稱朕軫念民生有加無已之至意該部遵諭速  
行

八月二十日奉

上諭閔鶚元奏查勘得亳州因豫省黃水漫衍直注該州將城門堵築水未入城其城外坊廂民房半多倒塌該州被水地方居十分之九又蒙城居亳州下游因水勢漫漲不能容納以致四鄉田廬淹浸居十分之八至下游之懷遠宿州鳳陽靈璧五河等縣潁河窪地亦被淹及現在飭委各員查勘等語亳州等州縣接壤豫省因黃水漫溢災田廬淹浸被災較重前據薩載奏到已傳諭該督撫令將川省水次倉穀二三十萬石賑運之米酌撥安省被災地方以備賑卹之用今據該撫勘明亳州蒙城等處被災較重著即動支倉穀設廠平糶並照例先行撫卹給予一月口糧以資接濟至懷

達宿州鳳陽靈璧五河等處先已被旱今又猝然  
被水並著即派妥員會同該地方官勘明成災輕  
重照例撫卹該督撫即並率各屬實心經理毋任  
胥吏中飽俾災黎均霑實惠該部即遵諭行

十二月二十日奉

上諭本年安徽各屬被災廣太平廬州二府行  
月米石因災緩缺建陽廬州滁州三衛軍丁口糧  
未免拮据著加恩將前項緩缺米六千五百二十  
石有零各按水次於太平廬州二府屬熟田漕糧  
內照數撥抵支給統俟來年開徵後歸還漕糧起  
運俾軍丁口糧藉資接濟以示體卹該部即遵諭  
行

乾隆四十四年正月初二日本

上諭上年豫省儀封考城一帶黃河漫口被災較重朕心深為軫惻業經降旨截留漕糧二十萬石並留豫省新漕十萬石又先後撥運兩淮鹽課一百萬兩戶部庫銀六十萬兩命尚書袁守侗前往查辦量飭有司膏心賑卹並節經降旨蠲緩兼施災民自可不致失所第念藉賑貧民向資官原入春東作方興正在青黃不接之際若輒行按例停止未免餬口維艱深為軫念著再加恩將被災較重之儀封考城祥符陳留杞縣商邱寧陵睢州鹿邑柘城十州縣十分災之極貧加賑兩個月十分災之次貧同九分災之極次貧各加賑一個月咸

俾惠洽始和其餘被災較輕各地方有應行酌借  
口糧籽種之處該撫察看情形妥協辦理務使窮  
簷均霑德澤副朕加惠無已至意該部遵諭速行  
御製降旨加恩去歲豫省被災州縣請以誌事已  
豫民去歲膏堪憐二冬無收望黍田河南自前秋  
及去夏秋  
二冬木收至六月得雨後趕種秋禾冀可稍資接  
濟而後封考城一帶又值黃河漫口以致數郡復  
被水災尤其餘大河忽漫溢頓救數郡受連遭截  
漕發帑救何靳豫省漫工較人被水之地亦多特  
命大學士高晉董率南河請督歸  
上將弁等馳往工所督視堵築又命尚書袁守侗  
前往董稽辦料查災諸務先後截留南漕並該省  
新漕三十萬石又撥兩淮鹽課銀一百萬兩迎復  
撥卹庫銀六十萬兩俾賑卹有資民皆得所茲復  
念賑期將滿正值青黃不接災黎餬口維艱因再  
加恩將賑封等十州縣被災極重者如賑兩月次  
重者如賑一月俾口食不致缺乏其被災吏朝臣  
災較輕處所酌借口糧籽種以資耕作

惠俾宣災重賑期慮猶迫加之次第重傳

初二日奉

上諭上年安徽亳州蒙城等處因上游黃水漲溢  
田廬淹浸被災亦重而懷遠宿州等十州縣有先  
旱而復被水者節經降旨令該撫切實查勘蠲賑  
兼施災黎自可不致失所第念東作方興當此青  
黃不接之時例賑將停麥秋未逮小民口食恐尚  
不免拮据著再加恩將災重之亳州蒙城二州縣  
九十分災貧民無論極次俱各加賑兩個月其八  
分災貧民及阜陽懷遠宿州鳳陽靈璧壽州鳳臺  
泗州盱眙五河天長等十一州縣鳳陽長淮泗州  
三衛七分災以上貧民無論極次俱各加賑一個



月至毋庸加賑各地方有應行的借口糧籽種之處並著該撫察看情形分別妥辦務俾均需實惠用溥春祺該部即遵諭行

御製命加賑安徽去歲被災州縣詩以誌事

乙亥

於豫安徽處下游奔隄賈魯漾洪流上年河南儀

黃水浸隄由賈魯河下達淮河安徽之亳州蒙城

被水尤重其鳳陽潁州泗州一帶州縣以地處豫

省下游亦早傷禾黍已嗟苦澇浸田廬更為去秋

問被淹洗早傷禾黍已嗟苦澇浸田廬更為去秋

去夏上江各屬缺雨早禾多受損傷至閏六月得

雨後補種秋稼正望稍資補救不意上游黃水漲

溢田廬又蜀賑兼施亟圖救展加一再慨從優無

復被澇

遺寧濫俾均逮

初閏鶚元奏報被災情形節經降

旨命該撫率屬切實查勘賑賑兼施

施茲屈東作方興災黎口食尚艱因再加恩將災

重之亳州蒙城二州縣極次貧民俱加賑兩月其

次重之阜陽等州縣衛貧民無諭極次俱加賑

一月其餘毋庸加賑地方並令該撫酌借口糧行

種分別安辦寧藩南望那舒午夜憂  
無遺俾均霑實惠

初二日奉

上諭上年湖北漢陽安陸荊州各府屬夏禾被旱  
入秋漢江盛漲又被淹浸災分較重業經降旨該  
督撫照例給賑以示優卹第念今春正賑已畢尚  
屆青黃不接之時民食未免拮据著再加恩將江  
夏漢陽漢川黃陂孝感鍾祥京山潛江天門荊門  
雲夢應城江陵公安石首監利襄陽宜城十八州  
縣及屯田坐落各州縣之武昌武左沔陽黃州德  
安荊州荊左荊右襄陽九衛成災七八九十分極  
次貧軍民俱各加賑一個月以資東作其毋庸展  
賑各州縣衛亦著察看情形分別酌借口糧籽種

俾得盡力南畝以待春秋該督撫等並率屬員實心經理務使窮簷均霑渥澤該部遵諭速行

御製命加賑湖北上年被災州縣詩以誌事己亥

楚省每多熟諺曰湖廣上年亦被災早先臘以潦

上年湖北漢陽各府屬夏禾被災早入秋漢江成漲

又被淹浸災分較重前經降旨給賑茲春耕已屆

缺食堪虞因再加恩將成災之江夏等十八州縣

及屯田坐落各州縣之武昌等九衛極次貧民各

加賑一月其毋庸展賑各州縣衛亦令該督撫食

等酌借口糧行種俾得盡力南畝以待春秋

缺總堪哀加賑遑恤矣對時孟穀裁都封思遇糴

先是湖北被災早成災米價漸長該督撫等咨商川

省川督文煊奏請於水次州縣各倉內撥穀二三

十萬石碾米運楚應用意欲以官用倉穀糴實

則禁蕪閘之米不令得販都封非特楚省不能接

濟即江南下游向來仰給川省者當時成穀收之

際更復何所取資所見意存矜恤事同道糴豈朕

一視同仁之道因傳諭文煊令其將水次倉穀碾

米徑運江南而出省有販則出示曉諭產米各屬

聽其照常轉運無得阻滯卽達經楚者之米已輸  
令三甯陳輝祖等任其販運各處售賣毋得抑勒  
總使未稅一律流通江楚各中鈔穀汙米  
者並得源源得濟無虞之食

初四日奉

上諭上年江蘇上元等州縣衙夏間雨澤愆期高  
阜地畝被旱成災而高寶一帶因湖河水勢盛長  
開壩宣洩下河低田被淹致成偏災業經降旨令  
該督撫撫卹卹緩俾災民不致失所第念東作將  
興青黃不接節薦口食未免拮据著加恩將江浦  
六合清河高郵甘泉東臺泰州海州沐陽上元江  
寧句容丹陽金壇山陽阜寧桃源安東鹽城江都  
興化寶應蕭縣宿遷吳縣溧陽等二十六州縣又  
鎮江淮安人河揚州徐州五衛八九分災之極次

育及七分災之極貧各加賑一個月俾資接濟其餘毋庸展賑各州縣銜今春如有應行的酌借籽種口糧牛具之處並著該督撫察看情形分別妥辦務使均霑實惠以普開韶恩澤該部即遵諭行

御製降旨加賑江蘇昨歲被災州縣請以誌事

下江災較上江輕民亦艱哉亦亦禁西以雨遲早

已定東因湖洩滂兼成

上年江蘇上元等州縣銜夏間得雨過遲各高旱處

所以因有被旱者而高甯一帶又因隄復有被潦者

普教一月新期展未至十分舊例行

該省前歲收成及上年二

冬均屬豐收即一隅被旱尚不致拮据而下河被

水之處亦不足河南安徽成災十分向例成災十

分始加賑兩月第念青黃不接之際口食堪虞因加恩將江浦等二十六州縣及鎮江等五衛八九

分災之極次貧足七分災之極貧各加賑一月俾資接濟其餘各州縣並令該督撫酌借籽種口糧

牛具分時若難逢茲新惠誌詞惟益愧慚生

初四日奉

上諭昨歲甘肅皋蘭等三十六縣州縣因夏間雨  
澤愆期以致田畝被旱成災節經降旨令該督等  
切實查勘賑卹兼施俾毋失所第念皋蘭河州靜  
寧固原平番安定涇州等七州縣被旱情形較重  
開春正賑既畢民食未免拮据著加恩各展賑一  
個月用敷春澤其餘被災較輕地方雖已經照例  
賑卹如今春尚有缺乏籽種口糧之戶並著該督  
隨時體察酌借以資接濟勒爾謹務並率所屬實  
心料理俾得均霑實惠以副朕軫恤災黎至意該  
部即遵諭速行

御製命加賑甘肅昨歲被災七州縣詩以誌事  
民貧地瘠是甘涼加賑年年例若常災弗十分斯  
已幸甘肅地土疏薄上計雖艱往歲每被災徭加  
賑竟如常例昨歲東蘭等州縣夏間缺雨雖  
不致如常年之十分成災然地瘠民貧尤宜軫恤  
昨已命該督等切實查勘賑卹兼施茲復念春正  
賑畢民食維艱因加恩將災重之東蘭等七州縣  
展賑一月其災輕各州縣並令該督等酌量行種  
口糧俾得春耕借種上更教詳  
務資耕作

三月初五日奉

上諭江蘇上年被有偏災地方俱已加恩展賑其  
贛屬場窳坐落各州縣情形與地方貧民無異自  
應一體加恩著將淮海分司所屬被災九分之板  
浦中正臨興三場分別極貧次貧應展賑者照例  
按月展賑應借給口糧酌量借給俱著照地方

災民之例一體辦理該鹽政督率所屬實力奉行務使竈戶均霑膏惠該部遵諭速行

六月十六日奉

上諭前因豫省儀封等處堵築漫口尚未藏工傳諭薩載將安徽之亳州蒙城等處河水下注之區曾否涸出現在貧民有無拮据情形據寄奏聞今據覆奏查明亳州之東北二鄉因上游流水漫溢二麥復經被淹請動撥川米八千石借給貧民又蒙城縣境內雒河集板橋集一帶及東北鄉十里邨莊濱河田地俱被水淹二麥秋禾均有傷損請撥川米四千石一體借給等語亳州蒙城上年因豫省黃水漫注已被災數今亳州之東北二鄉及



蒙城之東北十餘邨莊復因漫水淹及田疇民力  
不無拮据前撥川省米石原以備該省賑恤之用  
所有亳州出借之米八千石蒙城縣出借之米四  
千石均著加恩賞給該二州縣貧民以資接濟該  
督等量率各屬實力妥辦務使窮黎均霑實惠毋  
任吏胥侵肥中飽以副朕軫恤災黎至意該部即  
遵諭行

七月十九日奉

上諭薩載閔鶚元奏查勘災地情形一摺據稱亳  
州渦河以北逼近武家河之宋家集等處三十堡  
直接豫省受水既早夏麥悉被淹浸秋禾亦難望  
補插其蒙城迤北之肥城兩岸板橋等集二十六

堡亦同時受水夏麥秋禾均無收穫請再行酌借  
一月口糧於司庫正項內折銀放給俟明歲麥熟  
後分作兩年帶徵等語前因亳州蒙城一帶為豫  
省下游黃水漫注被淹較重屢經降旨加恩撫卹  
並賞給川米一萬二千石以資口食但儀封漫口  
至今尚未堵合秋禾業已無收貧民必倍形拮据  
情尤可憫著加恩將亳州被災最重之宋家等集  
三十堡蒙城被災最重之板橋等集二十六堡被  
水貧民照夏災之例於八月內再賞給一月口糧  
以資接濟該督撫即董率各屬實力妥辦務使窮  
黎均霑實惠毋任吏胥侵漁中飽剝脂軫恤災氓  
有加無已之至意該部即遵諭行

乾隆四十五年正月初二日奉

上諭上年豫省儀封考城一帶因漫工堵築未竣  
湖水田禾被災較重節經降旨蠲賦截漕以資接  
濟又前後撥運兩淮鹽課及戶部庫銀五百六十  
萬兩交該撫飭屬辦理工賑第念今春止賑已畢  
青黃不接之時若按例停賑貧民餬口未免拮据  
著再加恩將被災較重之儀封杞縣商邱寧陵永  
城鹿邑睢州考城柘城浚縣淇縣濬縣延津等十  
三州縣十分災之極貧加賑兩個月十分災之次  
貧與九分災之極次貧民加賑一個月其被災八  
分以下各州縣極次貧民有需借給口糧籽種者  
並著該撫查明分別妥協辦理務俾均霑佳澤用

博喜祺該部即遵諭行

御製加恩上年豫省被災及弗被災各州縣請以

誌事類

被災有賑弗災無部例施恩本各殊獨是黃河決  
口處已經雨歲合龍須十三州縣被災者  
豫省漫工堵築未竣議封杞縣商邱寧陵永城鹿  
邑睢州考城柘城浚縣淇縣濬縣延津等十三州  
縣被災較重因於新正降旨將該州縣十分災之  
極者加賑兩月次首與九分災之極者加賑一  
月其八分以下極次首民有應借給口糧籽種閏  
者並飭該撫查明分別妥協辦理俾均需糧種閏  
省黔黎並緩租豫省未被水各屬雖獲有收而元  
久並微民力不無拮据因並加恩將該省四十四  
年應徵丁地錢糧自四十五年為始分作三年帶  
徵以紓何日洪流歸故道翹心南望日懿吾

初四日奉

上諭上年江蘇阜寧清河等處因夏雨稍多洪湖水漲兼之上游沂蒙諸水下注致成一隅偏災卹經降旨令該撫實力查勘蠲賑賑兼施災黎自可不致失所第念東作將興當青黃不接之時正賑將停災民口食維艱著再加恩將災重之阜寧清河桃源安東鹽城宿遷海州沭陽大河等九州縣衛七分災以上極次貧民俱加賑一個月其毋庸加賑之五六分災貧民有應行的借口糧籽種之處並著該撫察看情形分別妥協辦理俾災黎均霑實惠該部卽遵諭行

初四日奉

上諭上年安徽亳州鳳陽等處因上游黃水漲溢

尚未斷流以災復有偏災節經降旨令該撫加意撫恤照例給賑以示優恤第念今春正賑已畢青黃不接之時民食不無拮据著再加恩將災重之亳州蒙城鳳陽懷遠靈璧宿州泗州盱眙五河九州縣及鳳陽長淮泗州等三衛成災八九十分之極次貧民概行加賑一個月其成災七分以下及勘不成災各地方並著該撫察看情形如有應借給籽種口糧之處即行分別妥辦務使窮簷均霑渥澤該部遵諭即行

初四日奉

上諭上年甘肅皋蘭等廳州縣因夏禾間被偏災業經降旨分別賑恤小民自可不致失所第念青

黃下接之時止賑已畢窮黎未免尚形竭蹶著加恩將皋蘭狄道平番武成肅州安定會寧固原涇州等九州縣災重貧民加賑一個月其餘被災較輕地方並著查明酌借籽種口糧以資接濟該部遵諭即行

御製降旨加賑上下江及甘肅省偏災各州縣詩

上年各省沐

天庥暘雨應時率有收豫省隄頽仍渚沔豫省因黃河漫  
口堵築木竣昨已降旨將災重之儀封等十三州  
縣分別加賑其通省各州縣丁北錢糧俱分作三  
年帶款疆波及亦災秋上一年安肅亮州靈州  
五河等州縣及鳳陽長淮泗州等三衛因上游黃  
水漲溢波及鄆疆被災稍重因加恩將成災八九

十分之極次貧民概行加賑一月七分以下及勘不成災地方並飭該撫酌借口糧籽種俾均當糶濟江蘇偏勝應加賑江蘇阜寧清河桃源安東鹽州縣街上年因夏雨稍多洪湖水漲上游淤塞諸水下游成偏災因加恩將十分災之極次貧民俱加賑一月其五分災民並令該甘肅何年弗賑酌借口糧籽種俾窮黎均當寄惠甘肅何年弗賑計上年六月又經降旨將乾隆二十七年至三十七年積欠銀糧一百二十餘萬概予豁免其旱鹵秋道平番武威肅州安定會寧固原涇州等州縣上年夏禾間被偏災因將災重貧民加賑一月其餘災輕地方並著查明酌借籽種口糧以資接濟調變無能惟自急那更新澤不交流

七月初五日奉

上諭前據陳輝祖奏邵睢廳屬黃河因上年水發於六月十五六等日水勢加長邵睢南岸溜往南趨更兼東北大風河浪撞擊水高陡頂隨搶隨塌



人力難施於十七日且時昨寧縣郭家渡隄上漫溢二十餘丈自陳輝祖奏聞後至今十餘日朕日夜望信乃至今始奏殊屬遲延不體朕懸念矣茲薩載等奏稱該處漫口現已塌定約計口門寬六十餘丈並掣動大溜十之七八等語黃河自前年豫省漫淤堵築年餘未能集事今春朕親蒞陶莊默禱

河神仰荷

天佑神助遂得合龍以此朕心稍慰而南河諸臣亦未免稍存大意以為數年之內黃河可冀安瀾一切巡防下無稍懈以致此次復有漫溢之事薩載陳輝祖均難辭咎即奉奉諭雖經新調河東但

伊前在南河完未能先事豫防亦難諉卸薩載陳  
輝祖李奉翰均著交部議處其該管文武員弁並  
著查明叅奏其漫決口門薩載等即督率道將廳  
營上緊堵築刻期合龍以慰廑念至被水各屬卹  
莊雖據稱先期豫備並未受累但田廬猝被淹浸  
殊可憫惻著該督撫逐細查明照例撫卹毋致一  
夫失所副朕軫念災黎至意薩載等偕及朕御批  
並終

二十二日奉

上諭據袁守洞奏永定河因本月十七八九等日  
上游各處大雨河水長發幾與隄平隨督同道廳  
等分頭搶護詎水勢益漲虛溝橋兩岸漫溢出槽

北頭工水過隄頂洶湧異常人力難施沖寬七千  
餘丈由良鄉縣屬前官營散溢求賢邨減河仍歸  
黃花店鳳河等語永定河因上游連日大雨河水  
或漲人力難施漫溢隄工亦屬無可如何著該督  
卽董率文武員弁上緊堵築以期迅速合龍至漫  
口下游各處猝被水漫恐民田廬舍不無傷損著  
卽派委妥員分頭確勘如有被淹傷損之處卽查  
明實力撫卹毋使一夫失所以副朕軫念災黎至  
意

八月十四日奉

上諭國泰奏東省被水窪地借給麥本一摺據稱  
曹縣定陶城武三縣被災地畝按每畝五分借給

奉本銀兩於明歲秋收後徵收歸款等語該處因  
黃河北岸漫溢民舍田廬間有被淹現雖漫上堵  
築完竣而無力貧民情殊可憫若將此項銀兩於  
明秋仍行徵收民力究不免拮据著加恩將曹縣  
定陶城武三縣現在借出奉本銀六千七百八十  
餘兩即行賞給毋庸徵還歸款並著將該三縣本  
年應徵錢糧及今春借出倉穀俱緩至明年秋收  
後再為徵俾民氣益舒以副朕加惠災黎之至  
意該部即遵諭行

九月初三日奉

上諭今夏雨水較多京城房屋間有坍塌八旗兵  
丁生計不無拮据著加恩普賞一月錢糧以示優

春該部知道

平忠全書卷三十九